

**Uunga siunnersuut: Nunatta nunatut timersornikkut unammersuarterfissaa pillugu
suleqatigiissitap misissuina**

**UKA2019/32-imi inatsisartut aalajangiussaata naammasseqqullugu minissuinerullu
inerniliussai saqqummiuteqqullugit Naalakkersuisut peqquneqarnissaannik Inatsisartut
aalajangiiffigisassaattut siunnersuut. Suleqatigiissitap suliai kingusinnerpaamik
UPA2023 nallertinnagu saqqummiunneqassapput.
(Inatsisartunut ilaasortaqaq Anders Olsen, Siumut)**

**Kultureqarnermut, Ilinniartitaanermit, Ilisimatusarnermit Ilageeqarnermullu
Ataatsimiititaliap**

Siunnersuutip aappassaanneerpeqarnerani

ISUMALIUTISSIISSUTAA

Ataatsimiititaliap suliaqarnermi makkuninnga inuttaqarpoq:

Inatsisartunut ilaasortaqaq Doris Jakobsen Jensen, Siumut, Siulittaasoq
Inatsisartunut ilaasortaqaq Nivi Olsen, Demokraatit Siulittaasup tullia
Inatsisartunut ilaasortaqaq Eqaluk Høegh, Inuit Ataqaatigiit
Inatsisartunut ilaasortaqaq Dines Mikaelson, Siumut
Inatsisartunut ilaasortaqaq Mariia Simonsen, Inuit Ataqaatigiit

UPA2022-mi 4. maj 2022 siullermeernerup kingorna siunnersuut ataatsimiititaliap misissorpaa.

1. Siunnersuutip imarisaa siunertaalu

Nunatta nunatut timersornikkut unammersuarterfissaa UKA2019-imi inatsisartunit akuerineqartup misissorneqarlunilu saqqummiunneqartussallu Naalakkersuisut suliamik naammassinninnissaat siunnersuuteqartup siunnersuummik matuminnga kissaatigaa. UPA2023 sioqqullugu siusinnerusukkut suleqatigiissitap suliakkerneqartut suliaminnik naammassinninnissaat saqqummiussinissaallu siunnersuutip siunertaraa.

2. Siunnersuummik ataatsimiititaliap suliarinninnera

Siunnersuut siullermeerneqarnermini partiinit tamanit Naalakkersuisunillu tigulluarneqarpoq. Siusinnerusukkut isumaliutissiissuussutaasimasooq ataatsimiititaliap innersuussutigaa, taamani aamma siunnersuut¹ partiinit tamarluinnangajannit tapersersorneqarpoq. Isumaliutissiissummi matumani misissuineq nanginneqassanersoq inaarneqassanersorlu taamaallaat ataatsimiititaliap

¹ UKA2019/32

isummersorfigissavaa.

Suliat inernerisaannik Naalackersuisut saqqummiussiniarnersut § 37 naapertorlugu apeqquteqaammi² tunngavigalugu ataatsimiititaliap paasivaa suleqatigiissitap suliaq aallartissimasaa nanginneqassasoq Naalackersuisut aalajangersimagaat. Tamanna tunngavigalugu siunnersuutip matuma taamaallaat misissuinerup inerniuliussaata saqqummiunnissaanut piffissaliisoq, siunnersuuteqartumummi Naalackersuisut uppersereerpaat suliaq ingerlaqqittoq ataatsimiititaliap maluginiarpaa.

3. Siunnersuutip aningaasatigut kingunerisassai

Inatsisartut Suleriaasianni § 33 imm. 1-imi allassimavoq siunnersuutip piviusunngortinneqarnissaanut aningaasatigut allaffissornikkullu kingunerisassai siunnersuutip tunngavilersuutaani allaaserineqassasut.


Siunnersuutip piviusunngortinnissaanut aningaasatigut kingunerisassai allaaserineqassasut ataatsimiititaliap maluginiarpaa. Tamassumalu kingunerisaannik siunnersuuteqartup taamaattumik naatsortuutigaa suliaq naammassinissaa 500.000 kr-nik aningaasartuutaassasoq.

4. Ataatsimiititaliap inassuteqaataa

Siunnersuutigineqartoq akuersissutigineqassasoq ataatsimiititaliamit isumaqatigiittumit inassutigineqarpoq.

² 2021/002

Taamatut oqaaseqarluni isumaliutissiisummilu allassimasutut paasinnillutik matumuuna siunnersuut ataatsimiititaliap aappassaaniigassanngortippaa.



Doris Jakobsen Jensen
Siulittaasoq




Nivi Olsen
Siulittaasup tullia

Eqaluk Høegh



Dines Mikaelson



Mariia Simonsen